

明  
詩  
紀  
事

明詩紀事

貴陽陳田輯

辛

徐石麒十首

石麒字寶摩青浦籍嘉興人天啟壬戌進士除工部  
主事以忤魏忠賢削籍崇禎初起南禮部主事就遷  
吏部郎中歷尙寶卿應天府丞召拜左通政遷光祿  
卿通政使擢刑部侍郎進尙書落職閒住福王立召  
拜右都御史未任改吏部尙書馳驛歸加太子太保  
嘉興城破朝服自縊死魯王監國贈太傅謚忠襄乾  
隆中賜諡忠懿有可經堂集十二卷

南雷文定崇祿末大臣爲海內所屬望以其進退卜  
天下之安危者劉戢山黃漳梅范吳橋李吉水倪始  
甯徐雋李屈指六人北都之變范李倪三公攀龍髯  
上升則君亡與亡戢山漳海雋李在林下不與其難  
而次第致命戢山以餓死漳海以兵死雋李以自磔  
死則國亡與亡所謂一代之斗極也  
自靖錄刑部尚書徐石麒以輕擬行人司副能開元  
禮科給事中姜燦兩諫臣罪忤上意冠帶閒住臨出  
都修撰劉理順賦詩贈行石麒答以詩云子曾過大  
梁臨風懷伊摯秉耒耕莘陳夫子願躬試文行動至  
雍內溝發深思此道久已陳夫子願躬試文行動至  
尊龍頭親簡置既窮太乙奇復發鴻寶秘早晚宜相  
麻天下乃得治麒也苦癡人所受盈其器承乏曰雲  
省爰書失聖意投荒分所宜而況僅播棄譬如蠹其  
者壘高勢自墜烽火滿近郊逐臣正遷次感君懷苟  
藥題扇以相遺頓令松柏心白首欲自刺乙酉閏六  
月嘉興城陷石麒公服肅拜自縊於可經堂袖有遺  
筆曰我生不辰會當陽九流氛陡發龍馭上賓邊燧  
旋揚鑿與遯遜去歲含哀忍死赴召乘銓自謂盡忠  
後皇卽是仰報先帝豈圖歸田不久國難頻仍于野  
未安王畿再破慨都會之顛覆痛士女之傷殘精力  
銷亡既不得單騎傳呼至敵營而盟誓年華衰暮又

歌靈不來兮傷如何

寤言二首

昆臺初息闢投策方嬉遊四方生鬻心一旦叛數州絕轡始  
再頓解冕爲兜鍪巾身五十載甫有甯諸侯至治安可常至  
道安可求刈莫逃爪牙玄珠如浮漚所重天明功未寒先庀  
裘大君無吉凶日月靡所諷靜正持乾綱四海生春柔

崇邱多會薪涸川多會鱗君子秉虛沖四顧多璋人重華爲  
魚販七友皆嶙峋尙有州支公及於石蒲民貧窮無禮樂討  
論何所陳日月自週天眼耳生其身救世非庸流歷艱苦不  
親華貫十六賢聊爲鸞與麟負輓登長途胼胝知苦辛

賣躬二首

天地何高深日月相循環星宿陳其顛動靜恆無端舉翼不能翔而作醯蟻觀大命一以至不復能研鑽鬼神欲告之翕吸近若難傷哉草木頽不得留朱顏

好道不入微閥物不至細影響自相答杳然無所繫大易重存身春秋本大義詩人多微思委宛出至意草草一世間遂爲穉與稚江漢下明河忽已失所恃

寄別卧子兼懷鴻寶

紹興使君萬斛珠隨風飛灑千流蘇文章經濟各大雅出之我口甯爲諛雲門蘭亭坐親切鶴子下堂啄碧雪客棹不敢閒移遊猶請老翁看五洩天下水無匡廬奇雁蕩無聲差勝之五洩壯險不可及安能過於倪公詩倪公與余最相契一

字動有千峰勢每願使君明且清董賈蘇韓失位置我行當  
過三閭江若耶溪情橫相縱迂回二千三百里不顧白壁黃  
金雙使君偶來再夜坐剡舟如鞋載白墮不知身在晉井中  
恍惚槎從銀漢渡倪公抱我如抱鷄五年兩過靈峰西一夕  
折杖各分去無情潮到難爲曉聽君微談動四壁倪公新詩  
在小冊匡廬水瀑雁蕩漸五洩奇觀走辟易只今天下多風  
塵明州山水清絕倫褰帷帶星亦閒暇蘭漿挂機搖青春老  
翁西去洞庭水不著些涎弔屈子不死還來此中遊樓團竹  
杖報知已

偶成

人情貴逸豫物外卽滄洲其奈人間世難從物外遊鶴歸松

于老雲澹琪花秋惟有畫梁燕呢喃春序留

入都知敵在灤永援師星散未集京營挑選不具諸帥  
顧望無建斷後之策者再疏將上輟而稱詩

白馬烏桓道令支突騎來書生非不武債帥安能材乘障狄  
山恥誓書張孟哀誰當千里骨愧殺築金臺

將發石城而楊機部適至

何嘗忘世事初不負君恩薇蕨青山路菰蒲白板門貧窮生  
覺好放浪老難論彭蠡舊相送塞裳涕尙存

西庫西北數間爲二周諸公畢命之處

昭代多君子清流此再清豈關門戶事動使鬼神驚逆命扶  
中策同游璨九京傳看芝草蹟繼鼎羽毛輕

次文供奉啟美扇頭韻

窄窄柴門淺淺苔  
碧煙深鎖待君開  
借來月色能留客  
賒得山居好種梅  
薊北烽煙頻入夢  
江南雲氣好登臺  
明年此日俱無恙  
再向山根醉幾迴

橋頭

經行十九年前地  
一樣冬風吹鬢枯  
勒馬徘徊尋舊迹  
石橋楊柳幾株株

徐爾穀一首

爾穀字似之嘉興人  
石麒麟子國子監生  
坐事被逮死白門有  
畫水草堂詩稿

楊陸榮殷頭錄順治丁亥爾穀率眾持檣依吳勝兆  
於松江事敗死妻孫氏聞爾穀死自投於河死而不



丙戌夜坐

萬籟劃然起淒淒中夜聲鐘鳴秋在寺月出雁橫城簫鼓當年夢琴書此夕情莫嫌山鬼泣白首盡佳兵

夏允彝一首

允彝字彝仲松江華亭人崇禎丁丑進士除長樂知縣福王立起吏部主事南都失守自投池水死唐王

時贈右中允諡文忠乾隆中賜諡忠節

自靖錄彝仲聞國變賦絕命詞云少承父訓長荷國恩盡心報國失以忠貞南都既覆猶望中興中興杳然何忍長存卓哉吾友廣求廣成勿吝容如子才蘊生願言從之握手九京人孰無死不泯此心修身俟命欲勵後人

靜志居詩話幾社六子璠公以經義見長詩非專尚

然其撰長樂志境有孝子節婦必賦詩以旌之集中  
樂府未嘗不合古人也野史述瑗公授命在乙酉五  
月第集有練川五哀詩練川城潰乃是年七月五日  
瑗公尙存則止水之投當是松江失守之日爾

練川五哀詩錄一

侯京兆峒曾

烈烈侯夫子負節本奇特十載罷耶官抗志眾莫測西江富  
文彥衡鑒饒奇識三復陟岵詩解組依親側砂礫揚中天青  
蘿暗無色墨墨榮陽城糾糾墨翟力環塹方及泉子魚殉社  
稷公語兩子前生死義各得兩子泣相從之死矢靡慝外絕  
晉衛旅內蛄鼠雀食重關泣漣洏屠毀填荆棘壯哉一門士  
九京同羽翼所惜蘭蕙摧沈寃成罔極

夏完淳

十一首

完瀉字存古松江華亭人主事允彝子諸生唐王遜  
授中書舍人事洩被執不屈死乾隆中 賜諡節愍

有玉樊堂集南冠草

李延是南吳舊話夏存古十餘歲陳卧子適訪其父  
存古出拜案頭有世說卧子閱之問曰諸葛觀逃於  
廁中終不見晉世祖而稽紹竟死蕩陰之役何以忠  
孝殊途存古拱手對曰此時當計出處苟憶顧日影  
而彈琴自當與諸葛爲侶卧子歎曰君言先得吾心  
者  
明詩綜鍾廣漢云陳太樽選明詩存古年纔十餘爾  
而宋轅文援其論詩以作序此時已許其作後進領  
袖矣迨十五從軍十七授命磨盾草檄不異老生宿  
儒信異稟矣  
靜志居詩話存古南陽知二江夏無雙束髮從軍死  
爲毅魄其大哀一賦足敵蘭成昔終童未聞善賦汪  
騎不見能文方之古人殆難其匹  
關氏成仁錄夏完清年十六從師陳子龍起兵太湖  
遵父遺命盡以家產餉軍子龍戰敗完清走吳易軍  
爲參謀被執至留都經畧洪承疇欲寬釋之謬曰童

子何知豈能稱兵叛逆誤墮賊中耳歸順當不失官  
完清厲聲曰我嘗聞享九先生本朝人傑松山杏山  
之戰血濺章渠先皇帝震悼哀卹感動華夷吾常慕  
其忠烈年雖少殺身報國豈可以讓之左右曰上座  
者卽洪經畧完清叱之曰享九先生死王事已久天  
下莫不聞之會經御祭七壇天子親臨淚滿龍顏羣  
臣嗚咽汝何等逆徒敢僞託其名以汚忠魄因躍起  
奮罵不已承碑色沮無以應時完清厲聲曰當日者公與  
督師陳公子龍及完清三人同時歃血上敢國主爲  
江南舉義之倡江南人莫不踴躍今與公慷慨同死  
以見陳公於地下豈不亦奇偉大丈夫哉梅遂不屈  
與完清同死  
朋詩別裁存古詩高古罕匹  
田按存古詩趨步陳黃門年僅十七當其合作與黃  
門並難高下赴義之時語氣縱橫淋漓讀之令人悲  
歌起舞

### 哀侯納言

峒會

忠烈簡邁姿淡然青雲志三鳳齊雝鳴翮羽拂雲際孤城戰

苦時日落鼓聲死始知朝陽禽亦復秋  
颯厲六翮鍛不垂靈風滿天地興懷募義旅言灑西州淚

贈廣武申大孚孟

君家漳水邊意氣冠河朔英爽殊不倫  
酒酣高歌作易水白日寒千秋事蕭索  
慷慨希古人瑤琨隱藜蘆棄家游江干  
裘馬盛揮霍天紀闇不章棲棲靡有托  
行行東南征舒此伯王暑出門成侯王  
閉戶死溝壑覩茲乘風便始信無家樂

故宮作

朝登建康城暮宿丹陽道黃塵落日大  
江流紫陌微寒故宮草故宮煙雨動新  
愁華屋參差成古邱當時羅綺三千戶  
何處鸞花十二樓六代繁華如在眼真  
龍不動河山轉春光縹

紗景陽宮月色徘徊芳樂苑細雨深宮花落遲輕風合殿香  
飄遠花香十里到平康莫愁歌舞治遊郎俠少盡騎青絡馬  
交遊爭繫紫羅囊爲憐兩雨芙蓉沼鸚鵡雙雙玳瑁梁一朝  
景物如反掌富貴風流竟長往元武池邊暮雨來朱雀門前  
春草長美女琵琶塞上行綺構連雲空復情行人夜雨烏衣  
巷歸雁秋風白下城登臨千載空回首陳井梁宮竟誰有遊  
鹿爭銜上苑花流鶯自囀臺城柳臺城下接孝陵西無限枝  
頭烏夜啼楊花風起過江去薄暮如煙滿大堤

放歌贈吳錦雯兼訊武林諸同志

天風一吹海波立錢塘東去錦湍急片片春帆細雨中西冷  
曉發西興入憶昔當年遊武林布帆絲纜清江深畫船簫鼓

卧涼月朱樓煙霧生秋陰此時年纔五六許但覓梨棗未解  
語便知天下有吳生西陵花月風騷主先公風表漢三君朱  
履三千畫埽門逢人便下南州榻滿座還開北海尊吳生此  
時席中見十載神交空半面援筆千言淩紫霞元龍湖海人  
人羨那知一別三年來閭闔不知生塵埃荆榛古殿銅駝卧  
弓劍荒陵金雁哀抱石千秋葬魚腹王褒泣血羊曇哭屠觶  
猶解問夷門衣冠半亡更胡服風塵相遇客爲家齊拂雙龍  
劍上花埋名同隱屠羊肆忍死須臾博浪沙華堂明燭良宵  
會金樽斗酒離人醉醉裏論心敢放歌夢中分手還流淚幾  
回憑弔舊山河形勝蕭條可奈何伍胥祠前暮湖滿蘇小墓  
邊秋草多嗚呼陸邱玉樹埋黃土小陸風流隱屠觶柴生賣

藥不二價徐子披裘鬻五穀君歸有語幸相傳忘憂長向酒  
家眠今年白社相招處回首黃墟竟惘然悲歌卻話先朝事  
抗眉休負生平志乘風一尋倉海君歸來訪汝吳門市

得漱廣訃

忽得胥塘訃傷心自白頭龍蛇千古夜猿鶴萬山秋閔亂劉  
琨恥招魂宋玉愁無情天目水不解向西流

寶帶稿

連天青草青極浦獨揚舲歸雁舟前落愁人夢裏聽花光明  
曉霧波影亂春星欲訪威靈穴孤帆入洞庭

秋夜感懷

登樓送北望沙草沒寒汀月湧長江白雲連大海青征鴻非



故國橫笛起新亭無限悲歌意茫茫帝子靈

元日大霧

漠漠蒼龍闕黃雲迴不收去年今日事此地昔人愁鳥雀朝  
三殿風塵辨九州扶桑新氣象玉冕拜通侯

春興同錢大作

上苑東風試早鶯故宮依舊百花明江帆入鏡移瓜步敵馬  
如雲走石城金鼓平陵憐羈義旌旗滄海葬田橫傷心中夜  
看牛斗醉把吳鉤萬里行

四月七日寄研德武功叔姪去年此夕與二子步月新  
堤得屈平卜宅之句不意竟成先文忠之讖

園林入夏雨模糊寂寞青門恨早孤雲水相從新白社河山

如隔舊黃墟亡秦猶有張公子哀郢誰憐屈大夫重到竹林  
尋二阮風流還似去年無

寒食同錢二不識賦

親朋亂後幾人存渤海交情酒後論今古文章多薄命江關  
詞賦半招魂王孫一飯誰知已漂母千金敢報恩曾作信陵  
珠履客幾回慟哭大梁門

睦明永一首

明永字嵩年丹陽人崇禎壬午舉人除華亭教諭城  
陷被執不屈死有世經堂集

自靖錄乙酉八月大清兵至明永集諸生申說大  
義歎曰吾儒臣也老而無能世受國恩有死而已移  
家人於郊外而獨居學宮作書貽子諸生本日我本  
小臣可以無死然我不能生者平日以節義自命兼

之賦性耿直觸境輒動且我之命名實先人深意今  
豈能委父命於草莽變生平爲兩截人乎殺身成仁  
乃所至願雖父子之情不能顧也域陷處分家事畢  
服朝服拜廟題絕命詞於明倫堂自縊繩斷投泮池  
復救起被執不屈死  
曲阿詩綜當年先生臂具體鍾繇草書尤獨步一代

### 七夕

機械紛紛可奈何憑誰隻手挽江河無人不下天孫乞莫與  
人間巧太多

### 睦本一首

本字允立丹陽人教諭明永子諸生坐事死有務菴  
集

曲阿詩綜允立永歷時以中書召事發自題絕命詞  
云父既死忠子當死孝子載而下不愧名教與同邑  
賀王盛同殉節

病中作

殘暑侵深病蛩蛩側側鳴月臨書榻影風裂紙窗聲酒爲多  
愁減詩因無寐成此時身不有何物可關情

黃瀉耀十九首

瀉耀初名金耀字蘊生蘇州嘉定人崇禎癸未進士  
家居城陷自縊於清涼巷乾隆中賜諡忠節有陶

菴集二十二卷

四庫總目瀉耀湛深經術刻意學古能以躬行實踐爲  
務毅然不爲榮利所撓如吾師自監諸錄皆其早年  
所訂論學之語趨向極其醇正而平易可近絕無黨  
同伐異之風足以見其所得之遠文章和平溫厚矩  
矱先民詩亦渾雅天成絕無儒響於王李鍾譚餘派  
去之惟恐若浼可謂矯然拔俗卒之致命成仁垂芳  
百世卓然不愧其生平可以知其立言之有本矣  
自監錄近之爲詩者承李何七子之弊或變而之郊

島或變而之宋元險怪誕穢無所不至而竟陵二子  
起而矯之學之者復將至於為螻為倮如唐之沈千  
運孟雲卿其人已不可得況進而之李杜耶  
自靖錄嘉定縣人守城破賊慨大呼曰結髮讀書有  
年矣死無以報高皇帝烈皇帝偕其弟邑諸生淵耀  
字偉恭者至西清涼菴清耀自裁於西城僧舍嗚呼進不  
月初四日遺臣黃清耀自裁於西城僧舍嗚呼進不  
能宣力皇朝退不能潔身草野讀書寡益學道無成  
耿耿不寐此心而已僧亟止之曰公未仕可勿死也  
清耀曰城亡與亡此儒臣分內事耳同弟自經死  
詩觀三集陶菴先生理學史論皆據上流詩諸體咸  
精風格獨老運際滄桑身騎箕尾高風峻節尤堪俎  
豆千秋  
靜志居詩話陶菴詩堅厚無孺響由不惑於楚人之  
咻然也

川按歸季思以陶菴名集黃公亦以陶菴名集二人  
古詩皆擬陶然歸詩真率黃詩俊爽又各不同大抵  
歸有忘世之意黃有用世之意遺時多難殉節成仁  
豈徒以詩人自命耶

和陶九日閒居  
癸未九日寓京邸和寄偉恭及諸親舊

羈心如秋草方枯已旋生良辰過我前端憂乃無名厲厲驚  
飈嚴皚皚山雪明朔雁流寒影邊鞞動悲聲古之豪俊人感  
此多促齡我獨胡爲爾樽開且徐傾平吟懷惠連默對思公  
榮知音不在側何以訴中情願爲雙飛鴻羽翼不可成

和陶詠貧士

落花墜茵席其半隨飛蓬繁豈賦命殊無心成化工絳灌排  
賈生何侯薦兩龔得失自在彼屈伸將無同默思塞翁旨固  
窮亦有通逃富豈情歟執鞭未可從

和陶雜詩

剗風吹南山化作海底塵四大互騰轉忽然有吾身狂馳百  
年中擾擾分怨親豈知冰炭懷靜與虛空鄰有生會歸盡有

夜會嚮晨星燈兩翳幻吾將問化人

夸者爭榮名幾人能至老孔翠傷其尾明膏不自保中台星  
未圻金谷酒將燥此時褰裳去豈非見幾早咄哉彼蜣蜋丸  
糞死猶抱相牽入禍門歎息復何道

高人夏仲御木石隱會稽兒撫賈太尉拂衣歸蒼崖阮公稱  
曠達奇志寓詠懷竟造九錫文此穢天可彌君子終日行不  
使輜重離應龍潛玄關曷識窮與羈窳乎飄風旋不消還不  
虧

詠史 三首

鸞鷟常特棲騷製辭服箱古來俊傑人不在亡主堂六國昔  
崩分豈無賢與良青蠅飛竿旌讒妾踞瑤房屈原旣放逐楚

事以佞懷信陵見猜疑蛙黷遊大梁悠悠狡童心仁義愁我腸  
逝言空國都啖食恣虎狼往車有折軸後駕宜周防願迴  
目眈智一爲辨圓方

季子過洛陽買臣懷會稽當時路人心盡是嫂與妻勢利散  
鴻溝陰權生禍梯達心亮先見寡識至今迷上蔡犬可牽牽  
之若龍驅華亭鷁可聽聽之若天鷄

猛虎踐機牙刳屠在鸞刀須臾決躍去百夫不敢要伯慎固  
名士義真亦人豪持節臨中州奮劍清黃妖仲穎小豎子殺  
之如燎毛時來生猶豫事往空鬱陶一變萬歲隰再變當塗  
高

次韻和東坡岐亭詩

并引 錄三



坡公岐亭詩五首其二首爲陳季常戒殺而作近代  
和者頗多友兄張子灝語余曰子姑現老齋公身而  
爲說法余勉應其意如坡公之數

罽師貪得魚不惜魚化汁屠伯怙殺牛不見牛眼濕嗟彼殺  
業多所以遭汝得彼債旣已償汝憂差獨急微性憐朱朱愚  
仁赦鳴鳴三品戒庖厨百邊謝巾幘獸炭與松明入爐平等  
赤象髓與韭菹入喉平等白深坐不橫參大歡不滂憤敢邀  
天公憐庶免佛子泣靜念古賢人飢驅食常缺今我餘草蔬  
猶堪餉嘉客推此告同心暴殄非雅集

昔有愚小兒垂死思肉汁世人與彼同談食口常涇大罰方  
後隨無肴汝猶得胡然一响甘易此八難急列柵囚雞豚排

錢裴鵝鳴驅驅黑業中何由發其羈我喜周生廚推盤蔡蓼  
赤我念隋帝庖剖蛤毫光白爲生雖有累如僧但加幘爲帝  
苟推心何異下車泣所嗟願力微不救世界缺鸞刀啟蒸嘗  
折俎供賓客大哉食時觀觀彼諸苦集

嘗酌醞醕漿不食鮮甕汁嘗挹朝夕池不戀潞臚溼五戒空  
外空十善得無得放者尙云非殺者獨何急惜蟲翻搏雞絞  
狸因飯鵬顛倒生愛憎何異蟹行羣今人遇勞瞪目眩成紫  
赤及其視根還惟餘鼻端白悟茲空萬緣如風墮輕幘無生  
自無殺無笑自無泣大明懸三光下照諸陷缺殺心如一塵  
眾塵合爲客暴然冰釋時酒肆許汝集

偕子宣子灝啟霖德符入西山看梅

巖洞有嘉名，躋攀生崎嶇。相顧儔侶間，清冰夏眉鬢。樂幽未  
云遠，歷險良已愚。稽首告山英，留我雲一區。

夜泛鴛湖

積水月涓涓，月斜舟稍前。歸漁搖艇火，宿鷺定湖天。遙指塔  
相對，暗尋花滿煙。峯巒無一點，吾醉獨陶然。

錢塘江

伍。夷去錢王，舊錦空英雄。如昨日陵谷，自春風。白鳥沈  
煙外，蒼山立雨中。布帆輕轉，怒長嘯，對魚龍。

泊舟

單舸時時泊，浮雲故故長。浪兼鳬拍岸，風引燕迴檣。穀雨罷  
收艾，田歌聞種秧。江南好風景，留眼看吾鄉。

白日

白日公然瘦青天不復高顏垣無鼠立廢壘有狐噪亂過民生賤兵殘賊勢牢遺黎相對語毛髮尙騷騷

歲暮閒居

風破林垆野望長故人小隱在寒塘貧來蹤迹如溪友老去詩篇似漫郎大布每縫諸弟被天吳近坼小兒裳何時買宅成鄰並十畝春陰共課桑

送張子石再遊江右

江介鶯花自接連峭帆何處認歸船瀧分上下元同歷月照悲歡已再圓孤舫雨聲溫昔夢高樓春思入新篇憑君莫憶離羣者慚負匡廬又一年

京邸送龔智淵南歸

書劍偕君客上京  
還憐客裏送君行  
臬廬得失元無據  
雨雪  
淒涼共有情  
關出穆陵黃葉暗  
驛逢清口白波明  
新詩好爲題茅店  
我到應知隔幾程

黃淵耀

二首

淵耀字偉恭進士  
清耀弟諸生與清耀同殉節有詩

一卷

秋水

交秋溪水清  
歷歷見其底  
木葉何紛紛  
白石復齒齒  
靜言尋其幽  
蕭蕭雜葭葦  
水鳥衝人飛  
遊魚銜藻起  
遙聞漁者歌  
前溪暮霞紫

春閨

春衣繡簾花氣滿  
暗風梳草綠短短  
嚬鶯破曉驚妾心  
金鴨香沈畫衣煖  
侍妾勻脂催曉粧  
鏡中煙柳彈眉黃  
描罷雙蛾爲誰好  
碎破銅片打鴛鴦

侯峒曾 二首

峒曾字豫瞻蘇州嘉定人天啟乙丑進士除南兵部主事改吏部歷郎中出爲江西副使進廣東參政改浙江遷順天府丞福王立除左通政家居起兵城陷赴水死唐王時贈禮部尙書諡文忠乾隆中賜諡忠節有內言公集

自靖錄崇禎甲申峒曾擢順天府丞未赴留都再造除左通政乙酉方屏跡深鄉邑人推其起兵入城同

諸大家集義勇固守孤城散家財以給軍屢戰勝外  
援絕勢不支城將陷急辭家廟赴池水死幼妹適太  
學生金德開者適歸甯僧兄死於池第三子元演五  
子元潔俱同六子元靜亡命為僧弟岐曾太學生踰  
年復為松江陳子龍亡命疑岐曾匿之執至松江不  
屈死母龔太恭人贈太常少卿震陽妻也前謂子嗣  
曾曰汝父子受國恩當以身許國勿以我為念及岐  
曾被執母語之曰我昔欲為卜壺母今甯不能為孔  
融母乎從容赴池水死岐曾妻劉氏次子元洵妻夏  
氏考功允彝女也元演妻姚氏元潔妻龔氏元靜聘  
妻盛氏輟真共築歲寒亭以居並守節三十餘年先  
後卒

### 宿濠梁驛

淮南殘暑退連夕起秋風  
崗嶺青霄上邨墟黃葉中  
未晡投古驛無寐聽疏鐘  
塵境心逾寂吾將蒙叟同

### 陶菴枉和除夕詩疊韻再呈

顧此茫茫集百端  
水窮山盡又年殘  
枯螭祗合終粘壁  
威鳳

何當亦斂翰此夜送窮文字懶常年餒酒杯寬天公亟報陽和轉預有東風散曉寒

侯岐曾 一首

岐曾字雍瞻通政岐曾弟嘉定縣學生以陳子龍事被執不屈死門人私謚文節先生

自靖錄岐曾丙戌十月十三日有追哭亡兄峒曾殉節詩云吾兄志氣古人追萬旅雲從建義旗赤手銀河非易事丹心碧血豈求知玉音鼓說從天降金版應憐出地悲莫向春風夢春草江家池豈謝家池

九日寓鹿城登山和蘊生

蕭瑟塵中鬢崢嶸物外心人煙知令節吾意足幽尋碧澗爭穿石朱霞漸織林歸披雲月晚餘興若爲深

侯玄演 二首



玄演字幾道通政峒曾子與峒曾同死

樓雨

暮雨南樓獨聽鐘  
綠窗無事掩燈紅  
身如燕壘能安土  
情似花幡欲受風  
試煖衣篝香爇帖待晴衙  
鼓響瞢瞢何心更說江南樂  
眼底煙林似夢中

六月十四夜

蹈海何當學魯連  
奉親儻許託山田  
飈飛風景驚烏鵲  
感激心情泣杜鵑  
一代文章傷節義  
百年鄉井愧生全  
誰知此夜青天好  
鬼出殤號月正圓

王與盾二首

與盾字永錫一字百斯  
濟南新城人崇禎戊辰進士

選庶吉士改湖廣道御史以言事左遷光祿寺署正  
告歸甲申聞京師陷暨妻子登樓自經死乾隆中

賜諡節愍有隴首集

靜志居詩話新城王氏科第最盛盡節死者亦最多  
崇禎五年吳橋兵變南趨時則保定同知象復暨其  
子與藥死焉十五年城再破時則貢生與明暨其子  
舉人士熊生員士雅死焉至是侍御暨妻子氏子士  
和又死焉王氏之門才甲一世矣

漁洋詩話先世父侍御府君與盾崇正中以劾總兵  
官鄧現忤時相罷歸甲申聞國難闔門自經南城陳  
璣錄其詩與雁門孫白谷簫曲黃海岸鈴岡袁臨侯  
合刻之爲四忠詩錢忠伯贊之曰遺音危苦孤桐玉  
律吟龍夏石荒猿激月浩歌悲嘯雷風交加蟲豸不  
蟄象華其牙

分甘餘話先伯父侍御公詠梅云丹英在似火冰稜  
自如石南枝與北枝不作春風格陳伯璣云公忠烈  
之性已見於此

詠懷二首

咸陽多古蹟徒供騷人歌漢宮與秦闕曾不一瞬過紫閣有  
仙人欲從嘆蹉跎長嘯以詠懷泛槎渡洪河見聞不可恃日  
月去已多朝川在終南太息空煙蘿

阮公有密識神在酒之外越禮故遺俗疑心別有會鐘鼓不  
足歡戈矛豈能害惜彼餐霞人頤性終昧昧

王士和一首

士和字允協御史與肩子諸生甲申聞變隨父自經  
死

靜志居詩話允協死不違親與孟忠僖比烈其妻於  
崇禎壬戌城破時先自經忠臣孝子烈婦萃於一門  
尤難得也

絕命詞

痛余生之不辰兮天滅我之立王我父母一聞兮涕滂沱以  
彷徨以身殉國難兮維千古之臣綱嗟反面而事讎兮方臣  
妾之未遑哀世溷濁兮四維不張大地無容身之隙兮願隨  
我父母兮歸於帝鄉

明詩紀事

貴陽陳田輯

字鑑

史可法一首

可法字憲之大興人原籍祥符崇禎戊辰進士除西  
安推官徵授戶部主事歷員外郎中遷分守池州太  
平參議進分巡安慶池州副使監江北諸軍擢右僉  
都御史巡撫安慶廬州太平池州及河南湖廣江西  
諸州縣提督軍務以憂歸起戶部侍郎總督漕運巡  
撫鳳陽淮安揚州拜南兵部尚書參贊機務福王立  
拜禮部尚書兼東閣大學士改兵部進武英殿大學

士督師淮揚累加少保兼太子太保少傅兼太子太傅少師兼太子太師進太傅大兵下揚州自刎不殊被執死之唐王立贈太師諡忠靖乾隆中賜諡忠正有集四卷

池北偶談康熙二十年吳江吳漢槎兆霽自甯古塔歸京師駐防將軍安某者老將也語之曰子歸可語史館諸君昔王師下江南破揚州時吾在行間親見人自呼云我史閣部也親王引與坐勸之降以洪承璽爲比史但搖首云我此時只辦一死但城中百萬生靈幸毋戮及王百方勸諭終不從乃就死此吾所目擊者史書不可屈卻此人望溪集左忠毅公視學京畿一日風雪嚴寒從數騎微行入古寺廡下一生伏案文方成草公問畢卽解貂覆生叩之寺僧則史公可法也及試吏呼名至史公公瞿然注視呈卷卽面署第一及左公下厥獄逆奄防伺甚嚴雖家僕不得近史公問左公被炮烙且夕且死持五十金謀於禁卒使史更敝衣草屨背筐手長錢爲除不潔者引入微指左公處則席地倚

瘡而坐面額焦爛不可辨膝以下筋骨盡脫史前跪  
抱公膝而鳴咽公辨其聲而目不可開乃奮臂以指  
撥背目光如炬怒曰庸奴此何地也國家事糜爛至  
此老夫已矣汝復輕身而昧大義天下事誰支拄者  
不速去無俟奸人構陷吾今撲殺汝因摸地上刑械  
作投擊勢史噤不發聲趨而出崇禎末流賊張獻忠  
出沒漸黃潛桐間史公以鳳廬道奉檄守禦每有警  
輒數月不就寢使將士更休而自坐幄幕外擇健卒  
十人令二人蹲踞而背倚之偏鼓移則番代每寒夜  
起立振衣裳甲上冰霜迸落鏗然有聲或勸少休公  
曰吾上恐負朝廷下恐愧左公也  
田按乾隆四十二年侍郎彭元瑞以所得史公畫像  
及其札稿合卷進呈高宗御製詩一章題於卷端  
命廷臣和韻並命大學士于敏中書御製明臣史  
可法書復睿親王事一篇及史公原書於卷裝演篋  
貯於異代且親灑宸翰於遺像教忠之意深矣

### 六安署病中感懷

待理猶繁苦抱疴公餘側枕奈如何民饑由已嗟艱食兵

逢人欲弄戈撫字無能先布德催科甯忍復爲苛白雲交瘁  
燕山下國手誰憐妙劑多

左懋第一首

懋第字仲及萊陽人崇禎辛未進士除韓城知縣擢  
戶科給事中改刑科福王立進兵科都給事中擢右  
僉都御史巡撫應天徽州諸府拜兵部侍郎經理河  
北充通問使不屈死乾隆中賜諡忠貞有梅花詩  
草

啟頑兩朝遺詩公詩文道勁可觀  
三岡識略左公懋第奉使議和  
不屈死臨刑絕命詞  
日漠漠黃沙少雁過片雲南下意如何丹衷碧血  
難盡蕩作寒煙總不磨被難時忽風沙四起捲市  
於雲際一時爲之罷市  
靜志居詩話左公將北行貽書姜給事塚大略謂國



遭大故二東不聞有斷頭穴胸以報故君者彼鄒魯  
仁義之稱安在懋第北行是懋第死日也既入燕卒  
以閏月十九日死於市

### 客燕

鼎髯攀無及親聞并莫依豈堪哀子淚時落客臣衣陵樹夢  
猶見家山魂亦稀人間忠孝事意與鶴同歸

### 哀繼成一首

繼成字季通宜春人天啟乙丑進士除行人擢御史  
謫南行人司副遷禮部主事歷員外出爲山西僉事  
厯湖廣參議移淮陽參楊嗣昌軍事擢右僉都御史  
巡撫鄖陽襄陽陷被逮戍貴州起故官總理河北屯  
政未赴擢兵部侍郎總督江西湖廣應天安慶軍務

左夢庚降 大清被執北去不屈死之乾隆中 賜

謚忠毅有六柳堂遺集

靜志居詩話侍郎處危疑之際內抑權奸外調重鎮  
備極苦心晚受命於燕京堪與左仲及比烈若江州  
之焚倉猝不能戢將士當非其本心近見野紀有誣  
公歸命本朝者殆出怨家之口也軍中自銘曰死  
事也易成事也難為嬰弗克為曰維艱張死匪先許  
死匪後臣心匪他靖獻我后鳴呼父母有過則諫諫  
而不從則號泣晏天撻之不怨晉陽之甲豈可訓哉  
既被獲抵大勝關親王傳語袁總督著隨行與以大  
官敝又自銘曰大官好敝大節難移成仁取義前訓  
是師文山袁山仰止庶幾袁山侍郎自說也

雪日

雪片大如掌忍飢不可齧愧無子卿能敢墮漢臣節鐵膽  
扶桑晨曦未全滅花發嶺南枝羅浮夢空結

祁彪佳 二首

彪佳字幼文紹興山陰人天啟壬戌進士除興化推官以憂歸起御史福王立進大理丞以右僉都御史巡撫應天移疾去南都失守自投池中死唐王贈少保兵部尙書諡忠敏乾隆中 賜諡忠惠有集十卷

靜志居詩話祁公美風采夫人商亦有令儀閨門唱隨鄉黨有金童玉女之目其司理莆陽也慮閩人語近休離預遣人前往買二麓婢詢其鄉音及升廳事胥吏多操土語侮公公伴不知決旬後按籍遍召在官人至一聲其罪眾驚以爲神迨入爲臺諫卽進封事略云凡文武內外大小諸臣必使之安其位而後各盡其心邇來六卿九列之長詰責時聞引罪日見因而周章急遽救過不遑竊恐當事諸臣悚於嚴旨冀以迎合揣摩善保名位臣所慮於大臣者此也人材中下參半藉上威發其忠義鼓舞以功名今同道有司或欽案之累由人或錢穀之輸未足降級住俸什居二三必至苟且支吾急功赴名之心不勝其掩罪匿瑕之念臣所慮於羣臣者此也陛下聞鼓鼙而思將帥之臣儻得其英雄卽推轂設壇失豈爲過

寓中清明雜興二首

一或獎拔之術未盡則冒濫之實將萌臣所慮於武  
臣者此也陛下深懲情緣特遣內臣撫按之事多令  
監視正恐同罪同功反使互蒙互蔽開水火之端其  
患顯敗交結之漸其患深臣所慮於內臣者此也其  
言切中思陵時弊故其後亡國卒由此數端云公嘗  
治別業於寓山極林壑之勝乙酉閏月六日生園中  
題其案曰圖功爲其難潔身爲其易吾爲其易者聊  
存潔身志含笑入九泉浩然留天地又書曰已治棺  
寄蔽山戒珠寺可取以斂我是夜兄子鴻孫侍側夜  
分不寐公第曰君子之愛人也以德逮鴻孫倦隱几  
步至放生閣下投水昧且猶整巾帶立水中子理孫  
班孫葬之園旁捨池館爲寺塑公像於堂至今存焉

風雨清明又一春桃花零亂野溪濱窗前惟有青山在歲歲  
相看作故人

榆柳年前手自栽而今綠影覆亭臺虛堂淨敞荷池畔爲待  
銜泥燕子來

黃端伯 三首

端伯字元公建昌新城人崇禎戊辰進士除甯波推官改杭州丁艱歸削髮爲僧福王時起禮部主事

大清兵下南京死之唐王時贈太常寺卿謚忠節乾

隆中 賜謚烈愍有瑤光閣東海還鄉三集

四庫總目端伯生平好佛嘗鐫私印曰海岸道人取楞嚴經引諸沈冥出於苦海之語及晚年磨去印文改鐫忠孝廉節四字終以殉國流芳可謂不負其志自靖錄端伯爲杭州推官丁艱歸削髮爲僧或以上聞奉旨勘問乙酉起禮部安坐私寓不報名或勸削髮爲僧歸江西答曰臨難苟免聖人之言也可藉口釋氏偷息人間耶大書其門曰大明忠臣黃端伯之寓居停懼禍及乃聞於官被執角巾野服入見南面屹立命之跪不屈竟趺坐於地與之言皆對以嫚語及拔刃相向卽伸頸云頭在此五月二十六日下於江甯獄端坐如平時多方說降徵笑不應至九月十三日命殺之點頭而出復令降臣勸其投順終不

從遂令行刑適履脫大言曰頭可斷履不可失卽納  
之至南門外水草庵前曰此吾死所也向天叩頭呼  
高皇帝烈皇帝將刑道報恩寺僧一輪超過呼之代  
書絕命詞云覩面絕商量獨露金剛王問我安身處  
刀山是道場  
靜志居詩話元公近體劉亮雖注意逃禪都無蔬筍  
之氣絕命辭云欲識分身處刀山是道場靈運可以  
作佛矣  
田按元公深於佛理故於死生了然小詩別有清趣

### 饒州道中

驅馬月當路出門風滿天野林侵露早山縣得寒先客興悲  
今日朋遊憶去年故鄉何處是回首意茫然

### 絕句爲黃定之解嘲二首

二月桃源踏落花桃花千樹爛於霞人家各站桃花裏一逕  
桃花是一家

新豐酒市轉林隈  
野樹成行小徑開  
旁舍日斜初晒網  
綠楊洲上打魚回

雁蕩山行

大小芙蓉映水村  
青山爲郭石爲門  
幽居不記人間世  
祇向花源長子孫

王若之 三首

若之字湘客益都人以廕除南都前衛都事改戶部  
員外歷郎中出爲河南參議告歸起南戶部郎中遷  
僉事以事削籍提問尋復官 大兵下南京殉難乾  
隆中 賜諡節愍有湘客集

居易錄湘客孤情絕照情談如晉人服官留都放情  
山水三忤奄寺罷官乙酉避兵姑熟干戈崎嶇獨載

辛籤卷六

六

三代古鼎彝法書名畫兼輶連軸寢食與俱其答人書云正惟草莽之中當堅守一之節遂死於難所與游者皆一代偉人詩情真無啟禎氣習最工赤牘單詞片語逼似晉宋間人

山望

我愛南山好孤高海岱中曠源荒白日大陸敞秋風封禪書何有神仙藥不逢古今無限意搔首向長空

季夏北上許山遇雨偶題

頃  
片時眼界徵清鼻觀與之俱省脫巾解帶匡床消受荷花百

山居漫興

紅紫園林春事多主人樽酒恣婆娑好懷饒與芳時競一日  
花開一醉歌



徐汧一首

汧字九一長洲人崇禎戊辰進士改庶吉士授檢討  
歷贊善諭德庶子福王立召爲少詹事移疾歸南都  
失守投水死唐王時贈禮部尙書諡文靖乾隆中

賜諡忠節

自靖錄甲申京都陷汧號痛不已南中福王立咸謂  
中興可望汧獨蹙然曰相無王導謝安將非祖逖陶  
侃區區新造之江左分門別戶燕雀處堂其能久安  
乎吾惟有一死以報十七年憂勞故主耳每指園中  
池曰此止水也聞南京不守將引決於莊舍爲莊僕  
所覺不得死從山中夜泛小舟至虎邱月下沽酒獨  
飲飲罷蕭衣冠北向稽首從容赴虎邱後谿新塘橋  
下自沈死一老僕躍入隨殉

同呂非齋譚埽菴酌山塘

蕭簡聊從意所申招尋彌愛得其倫深杯帆席淹留夜過眠

雲山晚晚春人影連隄花作市磬聲交寺月爲鄰淡娛今夕  
宜同醉寂歷知懷感慨均

楊廷麟二首

廷麟字伯祥清江人崇禎辛未進士選庶吉士授編  
修改兵部主事軍前贊畫貶秩尋復官福王立用薦  
授左庶子不就唐王時拜吏部侍郎進兵部尙書兼  
東閣大學士守贛州城陷投水死桂王贈新淦伯諡  
文正乾隆中賜諡忠節有兼山集

梅村詩話伯祥別字機部爲文排盪峭刻在韓蘇間  
書法出入兩晉傲索靖體詩則好用奇思棘句不甚  
合律然秀異發拔往往出人機部胥臥子同出吾師  
姜新建之門以文章氣節相砥礪既遇黃石齋先生  
於京邸一見道合負直節好強諫上書論閩部楊嗣  
昌失事罪得旨兵部贊畫參將師盧象昇軍事余贈

之詩曰諸將自承中尉令孤臣誰給羽林兵蓋紀實也  
也盧與閣部議軍事不合遇機部相得甚已而中外  
異心兵勢日蹙盧自謂必死願參軍書生徒共死無  
益乃以計檄之去機部不知也機部至孫侍郎傅庭  
軍前六日而盧公於賈莊徇難乃求得其尸抱之痛  
哭盧公之死有馬士抱之傷不深機部詩云死君旁  
者一掌牧通首俱妙惜伏落不全又憶其渾河詩云  
春至軍中草木冤亦奇句機部自盧公死後其策益  
不用無聊生會詔詰督師死狀賈莊前數日督師誓  
必戰願孤軍無援聞太監高起潛兵在近則大喜於  
真定野廟中倚土銼作書約之合軍高竟拔營夜遁  
督師用無援故敗機部受詔直以實對慈溪馮鄴仙  
得其書謂余曰此疏入機部役張姓者偵賈莊而其  
之則大恨先是嗣昌遣部役張姓者偵賈莊而其  
白盧公死狀流涕動色嗣昌榜笞之楚弄備至口無  
改辭呼曰死死則死耳盧老爺忠臣吾儕小人敢欺天  
乎遂以拷死於是機部遺書馮與子曰高監一段竟  
為刪卻後世謂廷麟不及一部役耶然機部竟以此  
得免余詩又曰憂深平勃軍南北疏松甘陳誼死生  
亦實事也已而機部過宜興訪盧公子孫再放舟婁  
東與天如師及余會飲十日嘉定程孟陽為畫髯參  
軍圖錢東澗作短歌余作臨江參軍一章凡六十韻

辛籤卷六

八

余與機部相知最深於其參軍周旋最久故於詩最真論其事最當即謂之詩史可勿愧機部後守贛州

從城上投懷死集竟散佚不傳

西江詩話伯祥與倪鴻寶黃石齋並以文章名天下

稱爲三翰林懷宗嘗大書唐人句當軒半落天河水

遠徑全低明月枝十四字賜焉國變枯槁行吟形神

俱瘁每與故人尺一自署兼山蓋以兼文謝二公自

況也

靜志居詩話伯祥慨慷淋漓特取材未純故辭多鬱

自靖錄甲申間變公痛哭與劉同升大集紳士於澹

臺祠爲烈帝發喪舉義旗誓滅賊復疆土雪列聖仇

耻結連賴撫李永茂立忠誠社於贛招致四方義勇

於是王其宏其鏗劉明保彭日趣各率家丁軍糧入

社立功者幾二萬人唐王拜公兵部尚書兼東閣

泰和復吉安奉表迎唐王王拜公兵部尚書兼東閣

大學士開府南贛公念國破君亡倫安海甸非計刻

意圖復中原未幾而劉同升以積勞卒於軍永茂亦

以憂歸彭期生與公同保孤城公將入闕會萬元吉

以總制七省至遂留辦軍事先是公招降峒寇得四

萬人賜名龍武新軍所謂四營者是公招降峒寇得四

一統兵復撫州丙戌五月戰於梅林而敗兵旋散入

月 大兵攻贛州十月四日黎明城陷殉節

寄李尙書

朝聞驛使向江樓虎鯨魚文耀列侯戎服畫銷南浦雨漢家  
雲護北陵秋空同山下看雙節天柱灘頭領八州今日停呼  
新僕射臨淮依舊擁貂裘

丙戌元日

黃華嶺外瑞雲齊白露洲前戰馬嘶五道將軍臨直北三江  
父老望征西春風斗帳降銅馬細雨戈船鬪水犀此日建康  
應拜舞近臣不解賦鳬鷖

梅村詩話楊機部殉節後云已無子有康小范孝廉  
來吳門攜機部在贛州詩十餘首并言其子尙在余  
後訪機部子知在南都山中甯都被掠機部之子亦  
在掠中有彭士望者機部門人以三百金贖得並求

得其母子置一處可謂不負機部也機部詩學素拘  
折此寄李尚書丙戌元日詩高渾深麗軍中從容慷慨  
戎服賦詩具見整暇七年不見其學問之進益如此

萬元吉 二首

元吉字吉人南昌人天啟乙丑進士除潮州推官改  
歸德謫永州檢校遷大理評事軍前監紀以憂歸起  
南兵部主事進郎中福王立擢太僕少卿唐王時擢  
兵部侍郎總督江西湖廣諸軍加兵部尚書贛州破  
投水死桂王贈太師上柱國建極殿大學士兼吏部  
尚書追封進賢伯謚文烈乾隆中 賜謚忠節  
田按萬元監楊嗣昌軍寇自楚入蜀請出奇聚而殲  
之嗣昌猶豫不決寇遂逸出迄無成功此其失傳不  
載公與機部守贛城幾及半載其智計有過人者卒  
以食盡援絕抗義不屈哀哉

送無我上人還廬山

萬里秋聲急清楓古渡平潯陽潮自落楚岸月孤明破衲饒  
寒去芒鞋雨雪行廬峰遙在望慧遠定相迎

謁草廬祠

白水餘真氣高人此結廬不因求問達祇自守清虛一鼎英  
雄沸數椽天地舒綸巾風骨古瞻對幾停車

劉同升 三首

同升字孝則吉水人祭酒應秋子崇禎丁丑第一人  
及第授修撰以劾楊嗣昌謫福建按察司知事福王  
立起故官不赴唐王時擢祭酒進詹事兼兵部侍郎  
守贛州病卒有錦鱗集

夜宿雪山寺

自靖錄孝則崇禎丁丑狀元及第當順天府尹用傘  
蓋儀從送歸時馬賦詩云干行馬上思親淚一寸  
階前報主心人已知其立志忠孝矣明年戊寅偕同  
榜探花趙士春合疏救少詹黃道周論新輔楊嗣昌  
奪情孝則謫福建按察司知事士春亦謫福建布政  
司檢校吾朝狀元以直諫被謫者羅倫論李賢奪情  
張昇劾劉吉舒芬諫武宗南巡三人皆江西產而孝  
則復以江西人諫諫可謂先後一轍不負大魁矣乙  
酉間道歸同楊廷麟郭維經等守吉安駐兵贛州力  
疾勤事城垂陷卒於贛州分巡道署中

鄰園已復佳鄰寺益喜僻不知何處鐘冷然其晨夕杖策行  
郊垌峰巒青可惜伊余厭風塵懶性宜泉石況此舊遊地昔  
年無賸客夜坐一燈幽明朝望三益

遊南岡寺

芳樹籠幽徑高峰入寺青人煙迷野店鳥語出危亭破寂留



僧話忘機誦佛經秋蛩若爲怨砌冷不堪聽

過豐城

細雨風檣作意斜岸移百丈過江沙水邊一樹垂垂白春晚  
棠梨尙著花

彭期生 一首

期生字觀我海鹽人萬厯丙辰進士除徽州教授累  
遷南昌知府改濟南謫布政司照磨遷應天推官改  
南兵部主事厯郎中出爲江西僉事唐王立進參議  
擢光祿少卿進太僕卿兼江西布政使守贛州城陷  
自縊死乾隆中 賜諡節愍有弱水山人詩集

自靖錄南贛總督萬元吉以贛爲江廣要地非期生  
不勝任乃檄赴贛州期生題其門楣曰國家養士三

百年報稱正在今日祖宗承恩十二世忠孝豈讓他人以其家乃世襲海南衛指揮同知也丙戌三月吉安破四月八日廬陵是文文山發祥生長之地及陞云我為湖西道廬陵是文文山發祥生長之地及陞光祿少卿兼分守嶺北道參議則贛州是文文山起兵倡義之地每覽文山全集夜坐悲吟擊節自壯當不使負慚色於古人也吉安城陷我軍之夾河而壘者遂皆潰逸一散不可復收盡奔至贛州而十八灘之險亦不可恃旦夕且為吉安之續矣從今以後日以死自期肉飽鳥薦骨尋蠅蠅亦為考終汝輩勿望我生還亦無處求歸我骨望湖西嶺北而招魂以歸故鄉魂氣無不之也孝弟忠信禮義廉恥平生訓汝曹童而習之別無遺命即此是遺命也贛州被圍固守半載十月奸民內應即此是遺命也贛州被圍固亟開篋取平書遺囑五紙分授五僕曰五人中有一人生還此即計音矣遂冠帶自經於章貢臺之寶蓋樓下湖西人織其遺骸解縊排牆覆之越兩月廬陵人杜鳳林桂芳敗垣拾遺骸府理已委謝惟胸臆以上不壞無處寬棺聚屋薪焚化薪盡而心不燬遂殮以石函瘞臺下殉節處陞鐘記之

靜志居詩話先生與楊萬諸公力保孤城死之日守備楊大器潛收真尸瘞於萬安縣之百家村仲子孫

貽訪其遺骸未得久之鄉人胡樞知萬安縣事一夕  
夢先生語曰遺骸在縣境君能歸之故鄉幸甚會大  
器之友曾堯景亦以狀白樞樞實遣之至海鹽家人  
詰其事皆合子女旋以血潰遺骨俱沁入乃慟哭葬  
之說者比於溫序之思歸焉  
田按公子孫貽有虞臺寒食怨詩云虞南草枯向南  
樹吹作虞臺塚旁土望帝思君未歸嗟盡贛江寒  
食雨紙錢溼煙飛不起五父荒墳石無主幾人江上  
共招魂瘴海青蠅弔泉戶平原門下客劉生沽得梨  
花一杯乳獨洒西州淚數行滴入泉臺草枯苦嶺頭  
孤兒望臺哭跪問道旁雙石虎何處龍蛇編上灰浩  
浩東風鷓鴣舞當是孫貽訪其遺骸未得時作也詩  
中平原門下客劉生處人劉旭章也

過湖上僧寮觀壁間伯兄題句感懷二人泣然成詠

三載重悲廢蓼我不堪蕭寺屢經過明湖似亦知人怨故遣  
寒波著雨多

馬懋功 三首

懋功字長卿桐城人萬厯乙酉副榜福王時以薦除  
杭州通判擢監軍僉事進參議守吉贛出督水師兵  
敗赴水死有介石齋稿

桐舊集胡業宏曰先生久居戎幕晚被薦章游厯參  
藩遂成大節詩上規杜老下法知南不啻吉光片羽  
姚椿曰公精天文象數所爲詩五七律沈雄感憤使  
人流涕不已

### 送羅給事

相逢更何日握手淚沾襟封事傳西掖遷官去上林風雲雙  
闕迴煙水五湖深宣室終前席無爲澤畔吟

### 經國

水旱繼兵戈閭閻病若何桑麻非舊業賦稅有新科竊恐流  
亡甚還令盜賊多樞臣經國計猶望凱旋歌

書事

上相專征出未央御門推轂重恩光正從三楚收三峽頓破  
襄陽與洛陽裴帶從容空自翊甲兵精銳恐全亡中原回首  
成殘局一念遺黎一斷腸

吳應箕

十五首

應箕字次尾貴池人崇禎壬午副榜唐王立除池州  
推官監紀軍事兵敗被執不屈死乾隆中 賜諡忠  
節有樓山堂集二十七卷

蘇桓武子集次尾爲詩精於辨體不襲古人不趨時  
尚真樸澹老惟自見其志與有益於聞者而止  
劉城燁桐集次尾論詩之指曰詩古文辭其義一也  
古文之道惟樸與堅斯其至者詩何必不然且詩本  
性情述志意心口相傳宜無他假者而以諧聲傳韻  
裁取成章已不能不在離合間況復資之掇拾專尙

華麗哉其失也偽是謂無詩吾生平不爲擬古強笑  
不歡非中懷所達故也蓋次尾之論如此相其旨趣  
要不離所持論  
陳忠裕集次尾博極羣書通世務善古文獨慷慨負  
大略此其可以詩人目之哉顧天下之善詩未有如  
次尾者嘗與余酒酣細論其言曰弘嘉諸君之失以  
拘體法而詩在今人之得也以言性情而詩亡豈性  
情之言足以亡詩飾其未嘗學問者以爲詩人之妙  
不過如是嗚呼與其得也則甯失而已矣次尾之詩其  
學問可考而知也豈與今之人同日語哉  
自靖錄甲申應箕上書當事言江北三鎮靖南侯黃  
得功獨忠勇東平侯劉澤清廣平伯劉良佐反覆不  
可保武昌上游甯南侯左良玉萬難恃而其大要則  
以史可法宜在內閣不宜駐維揚金陵不守應箕與  
同邑徵士劉城痛哭約鄉人果烈有心膽者同事得  
四五萬人應箕指揮分爲四師一師出東流一師出  
建德一師問道窺金陵一師自率攻池州與徽州金  
聲相爲犄角聲勢頗震屯兵池州城南九十里泥灣  
池州知府遣人招降應箕斬之敵應箕拔營大樓山  
徽州間道出應箕後腹背受敵應箕拔營大樓山上  
與大清兵鏖戰殺傷相當終以眾寡不敵被執引  
頸受刃神色自若授命處血迹久存洗之不去

翻志屈謝謫先生羅九經二十一史於胸中洞悉古今興亡順逆之迹當崇禎中預慮燕都之必不能守聞者皆笑其迂而先生持論侃侃不阿也名雖不登朝籍而人才之邪正國勢之得失瞭如指掌撰有黨朝忠節傳二卷兩朝剝復錄十卷留都見聞錄三卷東林本末六卷續編不編錄二卷其書或傳或不傳可以當龜鑑矣分宜張爾公稱先生人文似陳同甫是誠知言

田按樓山詩五言樸老長於詠史復社中殉節諸公義魄鬼雄如樓山維斗日生存古武公公旦輩難更僕數可以雪結社亡國之恥矣

### 立秋

五載屆斯辰風塵悵擾攘今茲肅高居忽復逢秋爽微雨洗繁林輕飄蕩纖幌庭植相與鮮煩襟亦以蕩憩松說沈陰撫琴弄新響清商未央來積暑漸以往宿志耽墳籍欣承氣清朗把卷欲忘言散髮酬心賞

別姚子雲

元台韓姬命如瑛陳士業弘緒

姚子句吳秀吐氣薄氤氲韓生雅澹才閉戶日雕文往來陳  
與吳杯酒何慙慙一朝塌秋翻惜別長江濱涼飈厲霜夜葉  
隕空紛紛離獸多悲音高鳥哀違羣矧予敦情好悵焉襟袂  
分川原杳無極何以接芳芬人生無常聚飄如風中雲自此  
慎歧路久暫非所云

和周仲馭十四哀

錄六

楊忠烈公澣

憶昔甲子年逐獵聚京陌時傳中丞疏讀之摧肝魄豈期激  
禍機消天生豎陳趙高麗且嗣王聖天方劇悲哉陳賁身鍛  
鍊銷金石貫木骨已糜埋草血成碧嗚呼天聽高甯念捧遺



冊忠臣不恤死要在安宗祏大義爭移宮烈風號奄奄

魏忠節公大中

魏公既通籍十年懷一衣天性好峭潔攬轡願無違豈不款  
明哲義激履危機鄭崇死規節王章僇訕譏銀鐙骨一具烈  
烈生光威予也感獄對淚落不能揮悲哉賢茂才父子同所  
歸

周忠介公順昌

道喪善類殃高張譏夫喜吏部千載人脫鉤良獨恥魏公躬  
就逮慷慨悲不止締婚非急交用以羞儉鄙李膺囊三木范  
滂無生理生平冰雪姿蟻螻拚一死天地爲震怒風雷立移  
徙招魂江上來惻悽滿蒿里不見彪虎傳駢僂同羊豕

高公攀龍

梁谿高夫子蹈道本洙泗當其秉憲時搏擊先梟驚一自鉤  
黨連爲善無遺類皇甫恥已憚景毅志亦遂傷哉故大臣而  
敢煩獄吏拜表入清流汨羅榮易贄自古皆有死烈者罹宦  
寺趨游和藥來視茲無異致

萬公燝

郎中抗疏時聖朝驚一鶚誰知鵬吻張白日沸鼎鑊解衣趨  
就烹談笑若綽約男兒旣讀書志在辦漙鑿得從龍比游豈  
不賢圭爵長安大道傍千載憐子博節甫安在哉嗟彼空狐  
貉

劉公鐸

磊落劉知府十年始一麾題詩決西市長夜使人悲秦刑腹  
周內漢律意增移悲哉文字劫有道恥言危巍巍九千歲頌  
德不自嗤誰能呪詛死風流亦可師

述懷

舉世急干祿小儒矜詞章爛然麗雲錦誰知大道亡絕學恥  
非聖況以驚荒唐所貴炳星日析義訖精茫董生蔽災異王  
何繆老莊微言苟未絕歧路慎輒張

荀彧事賊曹晚乃飾名迹嗣宗躬放達而曜司馬側旣爲鳳  
凰姿故不矯厲翼豈有麒麟德受羈于犬食辭婚善全宗至  
慎巧販國詠懷好詩詞能無自愧惡

魏晉賤守節頑飢稱通人爲文事靡麗誰能窺道真六代一

元亮逸焉至德鄰讀書非不解恥爲詞章倫賦詩時見志飲  
酒亦還醕尊聖契經理狂歌不厭貧達生寓自祭深懷記避  
秦劉宋何能屈陶然漉葛巾

相如射財利竊婦良不恥得志還成都縣令躬負矢詞賦工  
詭奇駟馬何足齒嚴助仇友壻主父勢相倚賤貧意氣卑富  
貴誇戚里大道忘寒炎達識齊通否衣錦世所榮無爲君子  
鄙

寄嚴印持西湖兼問子岸

自昔風流在高居靜若禪曾蒙十日飲尙缺一書傳鶴嶼秋  
誰問鵝經老更妍

嚴工書

過庭應閣筆魯殿可歸然

和州

高皇昔神武和州初濟師豈知壯哉縣遂爾汙爲池汝頴空  
連絡江淮斷鼓鼙殺人十五萬莫使聖明知

閒看

閒看處堂喜真稱舉國狂人猶殺李范運不及齊梁寂寞臨

春閣悲涼石子岡只餘諸葛恨頸血濺淮揚

史公道鄭

金聲一首

聲字正希休甯人僑寓嘉魚崇禎戊辰進士選庶吉  
士遷山東道御史告歸起故官及山東僉事均不赴  
福王時超擢左僉都御史不赴唐王立授右僉都御  
史兼兵部侍郎巡撫徽甯池泰等處提督軍務大  
兵下江南被執不屈死贈禮部尙書諡文毅乾隆中

賜諡忠節有燕論堂尙志堂集

自靖錄大學士漳浦黃道周過新嶺賦絕句云殘棋  
唾手已難工又是論人成敗中但說丹心何所用一  
時張眼念賊洪自注云新嶺上弔金正希死時有江  
天一諸賢從之足為吐氣中書舍人華亭夏完淳賦  
六君詠其第五章賴金司馬聲云司馬盛才氣豪舉  
不可親躬翻雲中龍渺忽誰能馴牙旗風蕭蕭慟哭  
驚鬼神輕生貴任俠英英殊逼人功名盡一劍壯志  
苦不伸縱橫一世間卓犖誰比倫

賦得拊髀思煩牧

郎吏道已雜買官牧牛羊爵祿雖武功買官入疆場壯士負  
才氣百戰裏千瘡大傑觀時務隱身自迴翔天子難得見當  
路重篋篋莫有念亂人覆謂將才荒孰肯蹈死地反傾橐中  
裝孰敢擲平生付人論短長衛霍絕大漠漢廷無鼓簷惟願  
天子出停車式螳螂郭開言一入廉李氣不昌諫罷隨拊節

古人快馮唐誰秉國成者搜才應多方明主可忠言何哉尙  
拈麈

江天一 一首

天一字文石敘人諸生從金聲起兵唐王授監紀推  
官參軍事兵敗被執不屈死乾隆中 賜諡節愍有

止菴集

拜御史大夫景公墓

姿質原來卽致身不因富貴喪吾真燕雲甲冑無榮爵湯武  
衣冠有愧臣斷首死猶爭順逆孤忠氣已歷星辰山深徑仄  
鳥嘯急疑是魂悲志未伸

麻三衡

六首

三衢字孟璿宣城人貢生屯師姑山兵潰被執死於

市唐王時贈國子監學正

陳貞慧山陽錄孟璿偉幹疏髯有志節好將帥之略  
然淹雅博文所著花瑣志古香流麗得晉唐風氣  
自靖錄孟璿博學能文與徵士沈壽民俱知名復社  
中身長七尺美鬚髯喜奇服力能挽強射堅好馳馬  
擊劍談兵法習天文五行奇門六壬諸家言家故富  
輕財好施客多歸之至是益出家財募士旬日得數  
千人遂起兵於稽亭兵敗被執作詩題所繫室中牖  
上云吳越連沙漠天心不可謀漫留千丈髮笑看百  
年頭若水心猶烈平原志未酬清風吹宛句朝暮五  
湖秋  
靜志居詩話孟璿注名復社遠賦無衣陳安未克生  
還狼暉已得死所詩殊超超期期

西山四首

西山不可望萬里遠傷心落日照荒野亡猿懷故林亂流吾

欲渡歧路亦何深誰是冠纓者蕭蕭薇蕨吟



黃河流不盡北燕至何爲冠蓋空三輔鯨鯢盡赤眉魂銷分  
劍日心折覆巢時野哭千山暮無人慰黍離

世亂忽如此國恩誰與倫徵兵到甌脫揖盜自重圍貧賤懷  
知己弓裘忘至尊中宵望北斗不敢賦招魂  
終日如有失相看何所求一身隔江海雙淚滿滄洲父老疑  
猶在東南渙不收中原多李郭早晚急同讎

### 玉河

玉河水背漢宮秋故國煙花生遠洲青女明璫爭夜月黃頭  
翠羽舞伊州夢回塞上雙流淚家在淮南獨倚樓多少東門  
種瓜者飛蓬搔盡不勝愁

### 徐復生移家丁橋予亦移家稽亭

風雨西村烏鵲稀  
南州孺子臥牛衣  
南山茅屋白雲滿  
十里句溪紅葉飛  
亂後知交斷消息  
愁中耕鑿聊因依  
卜居我亦入山去  
輪爾江鄉蝦菜肥

沈壽堯一首

壽堯字景山宣城諸生舉兵應金聲戰死

山晚

山外日初夕  
山中人已歸  
風來移鳥宿  
月出照螢飛  
竹氣寒生榻  
荷香冷襲衣  
一村深遠樹  
燈火自依依

楊文驢十一首

文驢字龍友貴州衛人參政師孔子萬曆辛酉舉人  
除華亭教諭遷青田知縣改永嘉江甯以事奪官福

王時起兵部主事歷員外郎中遷兵備副使擢右叅  
都御史巡撫常鎮兼督沿海諸軍唐王立拜兵部侍  
郎進浙閩總督 大兵入閩被執不屈死有山水移

洵美堂兩集

陳子龍安雅堂集龍友詩有幽峭之思沈鬱之色壯  
烈而不失和平夷曠而中存莊雅  
邢昉石臼集洵美堂詩紆徐以導遠篤摯以達情引  
物連類廣博曼衍屢出靡涯而源流師法燦然可指  
畫禪室隨筆龍友生於貴竹獨破天荒所作台蕩等  
圖有宋人之骨力去其結有元人之風韻去其佻出  
入惠崇巨然之間觀止矣  
讀畫錄龍友工畫善用墨初為華亭學博從董文敏  
精畫理然負質頗異不規規雲間蹊徑也後貴陽之  
勢漸張急於功名不復唱渭城人有求者率皆盛伯  
含林玉兄弟及施雨成捉刀  
黔詩紀略龍友少負奇偉文章劍術兼擅其能尤耽  
書畫好短衣矢箠馳惡馬逐健兒射生坐草間燒燖  
為樂意有所會即伸紙潑墨如風馳雨驟不能自休

移家南京日與諸名士結社角藝酒酣耳熱抵掌時  
事意氣橫出一座盡傾好游覽遇佳山水賦詠圖畫  
充物行囊尤蓄意天台雁蕩崇禎元年其父師孔參  
政浙江乃得游焉哀所得詩文圖畫題曰山水移是  
時龍友年才三十三畫名噪大江南北迴在詩文之  
上其後以職方監軍京口吳梅村為畫中九友歌云  
河龍北固持戈矛披圖赤壁思曹劉酒酣灑墨橫江  
樓蒜山落月空悠悠以龍友與董文敏王太常王廉  
州諸人並稱其傾倒一世可知矣龍友侈結納耽聲  
伎一歲費常鉅萬豪士每略小檢達明社既屋士夫  
多肥遯自全獨須臾不忘故國閒關流離中獨阻兵  
負固屢抗六師父于家人背斧鉞而不悔大節錚錚  
亦可謂烈丈夫也已  
田拔龍友詩畫均負異才南遊江浙畫學得師友而  
精遂為吾黔一大宗詩則與王季重陳木叔輩遊頗  
染時習然俊骨妙趣猶時露於字裏行間也大節棱  
棱豈徒踞畫苑驪壇一席

與董玄宰先生論筆墨

惜墨不在墨要知先惜水苦心不問手對鏡豈謀紙看君潑

墨時濃淡皆有理毫端噓董巨硯池活范李滴滴生氣飛尺幅幾千里

過胡元振齋中看畫

散步啟衡門初桐引修逕巷若無居人冷翠自相映爲尋太始音閒叩山水性置吾義皇間泉源在微磴墨光冷山候素氣澄水暈坐久忘丹青倚壁究觀聽

廢宮

亂巖如犬牙適與哀湍會不知何代宮傾倚衰草外畫壁滿蟲涎石蘿相映帶古柏饒幽姿童僕擁青蓋悲風薄暮生遠近咽竽籟初制豈不偉吾生亦有在歎息緩行坐前望車馬

晦

梁溪喜逢唐季陶依韻奉答

各看鬚鬢憶當年纔得逢君又黯然煙水款留高士榻黍雞  
供應故人船新篇嚼雪魂相勞舊事流雲夢已傳汲取泉香  
頻翦燭渾忘逆旅韻俱仙

吳門別薛千仞還四明

俗薄唯君古道存不於臨別始銷魂身餘白髮酬朋友家習  
青箱善子孫西閣雲歸遲返棹南枝花發待開樽四明山水  
神仙宅應羨文星隱鹿門

緡雲道中

板輿終日聽無窮半是松聲曳亂峰野水若迎奔道白山花  
如訴照溪紅鳥忘煙火非凡羽人習耕耘帶古風樹頂殘陽

時作彩丹爐隱隱欲相通

京口與潘無隱

坐擁澄江意自閒  
好峰如戟障蛟關  
帆吹雲影憐知己  
月送潮音慘客顏  
酒浪夜深高鐵索  
筆花醉裏撼金山  
獨愁把臂翻成別  
明日橋東第幾灣

題畫

一抹寒林水一灣  
幽人情性頗相關  
胸中自寫坭礪氣  
筆底何妨斧鑿斑  
生卷老雲皴白石  
不將媚骨點青山  
便如個裏幽棲客  
更要何人相往還

雪霽訪山中友人

凍色一千尺峰峰依去馬  
應有素心人出沒溪煙下

雜題

煙火岸邊村鶯花溪上寺獨有素心人放歌時一至

朱雀航

野航月冷草蕭蕭曾照當年劫火燒遺恨至今流不斷酸風  
昨夜返寒潮

孫臨六首

臨字克咸一字武公桐城人貢生唐王時授監軍道  
副使兵敗被執不屈死乾隆中賜諡節愍有楚水  
吟我惺集肄雅集大略齋稿

張于烈苞山集克咸負不世出之才年甚富學甚博  
故修詞典麗氣尚淵穆  
方以智密之集克咸肄雅集自樂府以下反復詠歎  
其指遠其思深



錢秉鐸田間集武公督岳方中丞之壻爲人風流俊  
爽曉聲律習騎射嫻技擊會中丞撫楚屢與賊戰武  
公嘗雜騎士中躍馬深入時於馬上賦詩爲樂避寇  
白下嘗大雪挾所匿妓騎而游鍾山每感慨時事輒  
悲歌泣下南渡立國武公避地雲間與陳臥子徐復  
菴謀舉兵不果後往依其兄於台州會蘇撫楊文聰  
募兵龍泉以書招君遂奏援副使監其軍事丙戌七  
月大兵取閩與文聰行至浦城追及之遂俱死  
蠶尾續文武公少讀書任俠與里中方密之爾止周  
農父錢飲光齊名所爲歌詩古文詞流傳大江南北  
好談兵手製木牛流馬式著平地能自旋轉如生陳  
大樽贈時日孫郎磊落天下才龍文手握雙玫瑰自  
言三卷授黃石談兵說劍如風雷著其事也  
莫友芝邵亭集始余讀余懷雜記云楊中丞文聰父  
子三人同日殉難又云楊龍友殉節閩嶠無遺種也  
唯老女勾歸金陵依家僕以終天年每歎錚錚義烈  
如楊公竟斬焉弗尉拊卷不怡者久之意仙霞忠魂  
欲求梅花嶺之衣冠一抔益不可得矣道光末桐城  
孫起瑞心筇來巡貴州糧儲得讀其家譜乃知龍友  
骨歸孫氏與觀察高祖之父武公副使合葬又附見  
楊氏後裔於是鄉積不能解者一旦釋然龍友好非  
獎名士士亦附之獨不幸爲馬士英戚予人譏端當

福藩時大獄疊興阮大鉞羅織善類必致死者龍友  
必委曲調護保全蓋數十計固宜其有後也  
田拔武公與楊龍友同事死則孫氏與尸同歸方爾  
止哭龍友武公同日死難詩云姑蘇城外轉旌旗士  
馬蕭蕭我獨隨自愧江東行不果祇因堂北養無兒  
周郎再造威重震漢鼎難移死自期況有參軍同志  
節臨行慷慨復何悲可以見其義烈矣

短歌行

撞鐘伐鼓誰將為歡日月迭微良時盤桓一解慼慼靡騁瞻彼

四方心之憂矣難解杜康二解肅肅秋風首如飛蓬座客常滿

樽酒不空三解冬有肥羜夏有肥羴乃飭爾肴用速爾徒四解南

飛烏鵲繞樹哀吟縱橫烈士撫劍雷音五解哀今之人單綸不

周安望衣被禦寒九州六解

哀長平

長平日夕悲風起四十萬騎一時死  
燐火蕭蕭陰雨青茫茫  
白骨土花紫衰草黃沙寒日曛  
山空曠野度愁雲西望咸陽  
杜郵道不須重弔武安君

夕安憶歸

江流亦何急游客思方深動是經年別  
空懷故國音青山時  
入夢白草日相侵安得理輕棹行行慰我心

客居金陵張兆蘇曹梁甫見訪卽聞賊信

荒煙朝夕暗城東懷夢階前青草藪  
兩馬日中知赤白雙龍  
江上定雌雄聲悲柝實千夫壘影落  
靡蕪六代宮兵火與君  
皆痛哭長纓猶望請終童

塞門歌

白草胡兔驕控弦天山下健兒聞笳聲一聲齊上馬

江上曲

號月孤鴻夜雨霜悠悠江水一帆長傷心兵火無消息不願逢人問故鄉

錢棟 三首

棟字仲馭嘉善人大學士士升子崇禎丁丑進士除南兵部主事遷郎中改吏部擢廣東僉事未赴乙酉起兵蘆衢兵潰至震澤投水死贈太常寺卿謚忠貞有新儒園詩三卷文部園詩三卷

自靖錄仲馭乙酉起兵蘆衢三吳志士多挈家依之八月兵潰將從開道至徽州十七日泊舟震澤聞湖中戰聲震天眾寡不敵投水死小僮秋煙從而赴水持其衣裾不舍明日有友人錢秉鑑在上流呼棟字

秋煙屍卽挽主屍逆流上浮起乃得歛焉  
姜垓貧簪集仲馭好學能下士請養歸里築南閭以  
待賓客擊鉢成吟天葩燦發或有未嫌應手改竄性  
穎敏嘗與余淡心暗誦漢書相如揚雄呂后等十數  
傳晨而上口酉而背抄淡心差十餘字仲馭差三十  
餘字仲馭謝曰僕去君遠奚啻三十里其謙下若此  
啟頑兩朝遺詩吏部忠孝人心有悵觸衝口而發不  
拘聲病而才藻爛然

### 文園雜詠

天際浮雲散登臺攬翠微西來風雨是北去雁鴻非第宅悲  
金管關山念鐵衣中原兵氣壯未敢說漁磯

### 金陵感懷

上游千里廢耘耔南國流人敢告饑荒歲榆皮供父老戰場  
燐火哭孤兒防江總恃波濤急草檄誰嫌斥堠遲獨少武陵  
吹一曲悠悠羌笛滿旌旗

秦淮詞

春波幾尺浴鵝鵝姊妹同舟笑語添每到日斜簫管發一時

人盡捲珠簾

魏耕五首

耕原名壁字楚白甲申後改名耕字白衣又名更慈

谿人有息賢堂前後集

全祖望兩上耆舊續集雪竇山人魏耕者本慈谿人少失業學為衣工於茗上然能讀書有富家奇其才客之尋以贅壻居焉成諸生國亡棄之山人所交皆當世賢豪講求大節與于若上起兵之役事敗亡命走江湖妻子捕獄中弗恤也久之奉長洲陳三島尤續曾居思溪閉戶為詩酷嗜李供奉黃老管商之術心契之東歸遊會稽有張近道者好黃老管商之術以王霸自命時人輒唾之而其里人朱士稚與山人論詩極傾倒近道見之亦輒痛罵不置然三人交相得因此并交繼曾三島稱莫逆山人又因此與祁忠

敏公子班孫兄弟善得盡讀淡生堂藏書詩日益工  
然山人於酒色有沈癖一日之閒非酒不甘非妓不  
寢禮法之士甚惡之惟邢氏兄弟為力資給之每山  
人至輒為置酒呼妓久之山人又遣死士致書延平  
謂海道甚易南風三日可直抵京口已亥延平如其  
言先下金陵已而退軍山人復遮道留張尙書請入  
焦湖以圖再舉於是復有刊章之捕續智以兼於賄  
吏索稍解癸丑有孔孟文者從延平軍來有求於續  
曾不饜并怨山人以其蠟書首之山人方館於邢氏  
被執至錢塘與續曾俱不屈死  
靜志居詩話白衣衛居吳興別鮮山為晉沈禎沈聘  
避地所居有渡曰息賢遂以名其堂其論詩云詩以  
達情情貴極其所至故樂必盡樂哀必盡哀由唐以  
前諸家體不必相蒙而其為至則一也學者各盡其  
途徑而入之愈深見其珍域愈廣愈唯佳於其  
際者久之乃始得其辭養之樂故涉獵眾家不若專  
致一家一家之趣既竭而後馳而去之再適一家其  
於一家猶是也然後古人之長見而我之長亦見余  
之於詩初無矜飾務達其情凡博奕飲酒朋友酬酢  
以至於山川風俗城郭之所歷覽遺迹之所辨證有觸  
於懷發之詠歎以為合於作不能自己之旨此則余  
之所自道已故其中年專學子美末年專學太白惜

平未見其止也

慷慨歌

猛虎不處卑勢勁鷹不立垂枝豪傑徒步言歸恥就鄉里小兒

初住茗溪與鄰叟山行過張醇別廬置酒

茗溪勝剡涇鳥鳴春復幽草生明月峽花滿銅峴洲相移鹿門侶結廬卧崑邱清晨出郭門卻披紫綺裘杖者四五人與我同遨遊遂酌張野叟登其池上樓天目雲外秀笠澤天邊流暮雨向之來窗竹颯鳴秋頽然不知返行樂何悠悠

湘湖遊眺

渺然湘湖裏西望富春山雲景鮮且秀彩翠雙眉彎迴潭下



石蟹層谿接潯溪村村橫雲樹處處眠白鵬遙見隱居者臨  
流採芳蘭願言訪丹術餘光駐頽顏谷口弄明月棹歌不能  
還

韓子蘧棗駟行

當今馬癖最有誰苦心只數韓公子昔買駟駒寵且矜今得  
棗駟狂欲死腹旋點點汗斑斑毛比桃花色更鮮牽來吳王  
園雞道騎出孫楚酒樓前頭絡瑯題傾城見蹕高玉蓋傍人  
羨掀眼驚塵霹靂飛不讓蘭池追紫燕公子豪邁真風流胸  
中曠達那用愁青溪小姑春可惜白社支郎曉更留聞君更  
有飛龍影亦是龍種聲價適何當與君並轡起馳驅峻坂風  
塵颶長鉞奚羽隨手抹南山射虎同悠悠

答故人問

尺書遙借問我家茗畫裏朝見弁山青暮見弁山紫

錢梅一首

梅字彥林嘉善人崇禎癸酉順天鄉試舉人福王立

以薦除兵部主事進郎中坐事死于市有白門集

楊李詩繫彥林隨父官津海澳南及歸築園閒逕外  
延賓客內貯聲伎以及法書名畫尊彝帷帳之屬充  
物其中然素無藥中金多藥產以給其天性然也甲  
申後陳臥子薦授職方郎中奉勅視江浙城守還里  
而南都潰避迹村隅丁亥松督變作捕臥子不得傳  
匿彥林所亦被逮其塔夏完直又以闕疏事發語多  
連及遂同日死於市其妻徐孺人亦赴水死

悼友

身後方知吾道尊悼君原不望君存三江自合流忠性五嶽

還能勒鉅言國破早應摧獨木巢傾向恐覆芳菲暮潮聊爲  
增千尺添瀉東南士淚痕

楊廷樞一首

廷樞字維斗吳人崇禎庚午舉人王時授翰林院  
檢討兼兵科給事中避居石砬山鳴被執死於市有

古柏軒集

靜志居詩話先生倡應社於吳中評騭五經文字張  
溥天如朱毘雲子主易楊彝子常顧夢麟麟士主詩  
周銓簡臣周鍾介生主春秋張采受先王啟榮惠常  
主禮記而先生與嘉善錢梅彥林主書後與復社幾  
社合領解之後聲譽日重門下著錄者二千入詩雖  
游好然如吉光孔翠片羽皆足爲珍重且勝於服習  
竟陵派者多矣晚歲巖居忽罹維繫其舟中遺書云  
廷樞幼讀聖賢之書長懷忠孝之志爲孝廉者一十  
五載生世間者五十三年作士林鄉黨之規模肩綱  
常名教之重任惜時命之不猶未登朝而食祿值中

辛翁卷六

天

原之有難遂蒙禍以捐生其年則丁亥之歲其月則孟夏之中方隱遯於山阿忽陷身於羅網時遭其變命付於天雖災如其來亦已知之久矣生平所學至此方覺快然千古爲昭到底方覺不沒但因報國無能懷志未展終是人臣未竟之事尙孤累朝所受之恩留此血衣以俟異日舟中矢志不能盡言

送辟疆省親禮嶽

美人南國去春煖洞庭波獨以瞻依切因之登眺多衣翻堂下彩囊貯郢中歌作賦娛親意茲行快若何

明詩紀事

貴陽陳田輯

辛鑑

韓上桂四首

上桂字孟郁番禺人萬厯甲午舉人除易州學正遷南國子博士厯助教監丞改永平通判遷建甯同知甲申京師陷悲憤不食死乾隆中賜諡節愍有朵

雲山房詩文稿十二卷

列朝詩集孟郁少攻騷賦驚才風逸天官兵法王遁之書無不通曉風儀蕭散悠悠忽忽如山麋野鹿與之遊處敦篤友誼聚首摩腹藹如也為詩賦多倚待急就方與人縱談大噱呼號飲博探題次韻紙上蠅為深沈之思爛漫放筆不自顧惜稿或隨手散去常

問其所就於予予曰孟郁才氣可方吾鄉桑民懌要  
是萬厯間嶺南第一才子李長蘅歎之以爲知言孟  
郁之才長於古詩歌行於今體殊不經意  
嶺表詩傳錢受之推孟郁爲萬厯間嶺南第一才子  
其資氣格遠不逮海目蔣翥遠不逮人情而筆墨馳  
驟亦足動人  
田拔孟郁才筆揮霍長篇動輒千言今錄其稍有節  
制者

古怨

九月秋高天氣涼玉壺迸水更漏長孤燈不翦蘭缸冷新月  
斜面翠幌光夜深沈沈望風色銀漢迢迢杳難卽梧桐樹上  
怯雙棲菡萏池中羞比翼慘淡鉛華秋復秋婉轉屏幃愁更  
愁班姬此日題秋扇衛女當年怨柏舟不堪念此意辛苦願  
學秦蕭逐鳳遊

京洛行

京洛多貴盛子弟盡輕豪千金裝寶劍入綵繒弓設依倚父  
兄勢傳誇禁闥高一門三繡節兩族九旌旄抗體尙書省平  
交左右曹家滿珊瑚樹燈殘鸞鳳膏玉梁施翡翠寶約醕葡萄  
分曹賭一擲梟勝奪珠袍酒酣發巨鐘絲管競咽嘈侍女  
展朱唇纖聲遏雲璈狂來驅賜馬卻走南山皋便欲揚鞭去  
因之赴臨洮聖代勤征伐吾家舊有勞

七夕後一日望月姬渡珠海戲贈

寶月輝銀漢瑤華麗綺筵歌從鸞管合舞逐綵雲翩小笑渾  
生豔迴眸盡可憐偶來依洛浦人道水中仙

望羅浮

東望羅浮四百峯峯峯鬬削青芙蓉崖欹轉覺白日礙洞古

況有陰雲封瀑布銀河紛錯落玉書金簡光玲瓏師雄夢後  
有何見春去梅花不易逢

林說 一首

說字傅公莆田人崇禎壬午舉人國變後絕粒死有  
寸草堂集

蘭陔詩話傅公詩清勁拔俗不沿時調甲申後走入  
深山餓死清風亮節可以遠希西山近代疊山  
偶成

四方耕稼地處士歎無田貧省輸官稅荒添糴穀錢療饑資  
木石卻老學安禪歲歲肌膚減齒牙幸尙全

文震亨 五首

震亨字啟美長洲人大學士震孟弟貢生官武英殿



中書舍人國變後投水死乾隆中 賜諡節愍有金

門集一葉稿

列朝詩集收美待詔之曾孫開學文起之弟也風姿  
韻秀詩畫咸有家風爲中書舍人給事武英殿先帝  
製頌琴二千張命收美爲之名又令監造御屏圖九  
邊阨塞皆有賞賚  
靜志居詩話收美相君介弟名圭黨人之籍王尙書  
覺斯有言泄持憂讒畏饑而啟美淨沈金馬吟詠徧  
徃世無嫉者由其處世固有道焉

題張平仲五鹿山房圖

樓臺幻出擬仙都遠水蘼蕪在有無縱許輕舟懸畫鷁留容  
歸棹飽江鱸狐裘漫自思公子鹿苑今看屬大夫解道關門  
明月冷蒼茫紫氣未全孤

秣陵竹枝詞

據床開印翠微間朝請全稀退食便呵殿也堪成韻致此中  
官府亦神仙

尙食宮監住直廬退閒丞相府中居貂璫一樣中常侍三日

湖頭打飯魚

留都中貴居胡惟庸故府每歲於玄武湖中敕賜打魚三日名飯魚

同姓編氓異姓侯上公出不避行驛諸曹未識勳臣貴每到  
朝陵壓上頭

秦淮冬盡不堪觀桃葉官舟閣淺灘一夜渡頭春水到家家  
重漆赤欄杆

張秉純

一首

秉純字不二舍山諸生弘光乙酉南都磔絕粒不食  
死

絕命辭

田按不二舍山諸生弘光乙酉間變作絕命辭不食而死戴敬夫和其辭云先生影未出青山如此從容一死難新史不勞高士傳殘詩留著野人看嵯峨千歲首陽山欲往從之道路難鈔得漢書龔勝傳南風危坐把兒看賊臣嘖笑鄰江山最快陳東罵死難今日相從游地下神州沈陸有誰看

逢人漫說文山樓上三年坐卧難我本布衣饑不死西山無面復相看

許士楷一首

士楷字節齋句容人諸生

金陵詩徵節齋明亡七日不食死

述志

惆悵虞淵黯夕暉新亭風景淚霑衣桃源不是無舟到恥向

春山飽藏穢

李之椿 一首

之椿字大生如皋人天啟壬戌進士除行人遷吏部  
主事福王立起尙寶司卿督糧浙東順治中被收死  
南京獄中有霞起樓集

五山青舊集大生解官自浙東歸而難作以藏故明  
勅印未繳論流順治六年詔旨勝國初亡人人有  
故主之心況居官食祿者乎凡順治五年以前犯者  
勿作叛論罪既雪卽攜筇入武夷山後中壘語繫之  
石城獄中遂絕粒勺水不入口積十四日而死  
明詩綜朱雲子云徂徠五律工秀起句尤用意如春  
曉淨江天青山入盡船家家楊柳青車馬不曾停眞  
不減唐人風致

馬稭游招飲北山

繫艇登危閣諸天杯酒間孤雲偏入塔亂水不藏山謠語隨

花下嬌歌帶雨還往來何事急輸卻老僧閒

項禹揆

一首

禹揆字子思秀水人諸生與李之椿同死

落花

一番風信客心驚  
怨粉愁紅迭迭迎  
香篆三更雞舌冷  
錦泥十里馬蹏輕  
夢回故國無知已  
流落天涯不問名  
最是芳顏憐易改  
難將綵樓繫長生

黃周星

四首

周星

登科錄作姓周名星

後復姓黃字九煙上元人崇禎庚辰

進士除戶部主事有夏爲堂芻狗齋集

靜志居詩話

九煙晚變名曰黃人字曰略以又號圃菴又曰汰沃主人又曰笑蒼道人布衣素冠寒暑不

易人有一言不合輒嫚罵嘗賦詩云高山流水詩千

軸明月秋風酒一船借問阿誰堪作伴美人才子與

神仙年七十忽感憤於懷仰天歎曰嬉而今不可以

死乎自撰墓志作解脫吟十三章與妻李訣取酒縱

飲盡一斗大醉自沈於水時五月五日也

瞿源洙集當已未庚申間羅天下才儁殆盡而

關西李中孚陽曲傳青主甯都魏冰叔三人獨超然

遠引乃黃先生以死殉之或疑其過激此非篤論也

夫偃息柴桑者易進士難而況四海同風託迹無所薛

易為荆南之前進士難而況四海同風託迹無所薛

方可以集由解免而龔勝必至絕食何點可以齊書

笑侮而袁昂之為義士不終泉羽思肖諸人所以能

匿迹潛形疊山先生所以對小女子而決然自奮也

然則先生所處較難於三人而節亦倍烈矣

卓爾堪逸民詩選九煙性孤介寡言笑少年多著作

從長沙過洞庭夜半為劇盜所掠盡取舟中圖籍投

之水後復著成集已酉夏時際百六避迹蕪陰蒼皇

從牙鏹裝中搜得一集擊之以行復為盜所掠今所

存者鼎革以後所作頗近於騷素懷鏹均之志終投

水一死

田拔九煙長歌真氣噴薄而出微嫌拉雜近體攸元

自見風節

得陶仲調書卻寄

陶生今不死吾道尙嶙峋  
天地留松柏庖厨救鳳麟  
十年書到喜再世夢回真  
歌涕知何日東籬歲月新

江館歲暮二首

鬱鬱誰能遣冥冥自可飛  
蟄龍原不死野鶴竟何依  
抱膝春風老埋頭夜雪饑  
儘教萊婦笑還似著麻衣  
歲月泥犁底生涯羅刹中  
無人堪說鬼有事只書空  
拍岸驚濤白開門返照紅  
怪來茅屋破日日嚙西風

觀凌歊臺故址

霸業文明總寂寥夕陽荒草弔淩歊  
若教頑石能言語便與從頭話六朝